



ТАСДИҚЛАЙМАН  
Сирдарё вилояти статистика  
бошқармаси бошлиғи

*Б. Батыров*  
Б. Батыров

“ 3 ” декабрь 2020 йил

## Сирдарё вилояти статистика бошқармаси Кадрлар бўлими Низоми

### 1. Умумий қоидалар

1.1. Кадрлар бўлими Сирдарё вилояти статистика бошқармасининг таркибий бўлинмаси ҳисобланади ва бошқарма бошлиғи раҳбарлигида фаолият кўрсатиб, касаба уюшмаси билан ҳамкорликда иш олиб боради.

1.2. Кадрлар бўлими Ўзбекистон Республикаси Қонунлари, Олий Мажлис қарорлари, Ўзбекистон Республикаси Президентининг фармон ва қарорлари, Ўзбекистон Республикаси Вазирлар Маҳкамасининг қарорлари, Давлат статистика қўмитасининг буйруқлари, вилоят статистика бошқармасининг буйруқлари ва бошқа меъёрий ҳужжатларга амал қилган ҳолда иш тутади.

1.3. Ўзбекистон Республикаси Меҳнат қонунчилигига асосан статистика бошқармасида Ички меҳнат тартиби қоидаларини ишлаб чиқиш ва бошқарма бошлиғи, касаба уюшмаси билан биргаликда тасдиқлаб, унинг юқори сифатини таъминлаш, иш вақтидан унумли фойдаланиш тартибини жорий этади.

1.4. Бошқарманинг жамоа шартномасига, ички меҳнат интизомига қатъий риоя қилган, виждонан ишлаган ходимларни рағбатлантириш, умумий тартибни бузган ходимларга нисбатан жазо чораларини қўллаш усуллари ёрдамида бир маромли ишлаш учун зарур ташкилий ва иқтисодий шароитлар яратиш тўғрисида бошқарма раҳбариятига таклифлар киритади.

### 2. Бўлимнинг асосий вазифалари

2.1. Кадрлар бўлимининг асосий фаолияти қуйидаги вазифаларни ҳал этишга йўналтирилади:

- Ўзбекистон Республикасининг Меҳнат Кодекси талаби асосида иш юритиш;
- вилоят тизимидаги статистика органлари кадрлар малакасини изчил асосида оширишни ва уларни қайта тайёрлашни таъминлаш;
- ўқув режасига асосан бошқарма, шаҳар ва туман статистика бўлим ходимларини Давлат статистика қўмитасининг Кадрлар малакасини ошириш ва статистика тадқиқотлар институтида малакасини оширишни таъминлайди.

### 3. Бўлимнинг асосий функциялари

3.1. Кадрлар бўлимининг ўз зиммасига юкланган вазифаларига мувофиқ қуйидаги функцияларни бажаради:

- кадрларни таъинлаш ва жой-жойига қўйишни таъминлайди;
- давлат статистика принципларига риоя этилишини таъминлайди;

-миллий қонун ҳужжатларига ва мавжуд халқаро стандартларга, тавсияномаларга мувофиқ статистика маълумотларнинг махфийлигини таъминлайди;

-кадрларга оид ҳужжат лойиҳаларини ишлаб чиқишда белгиланган тартибда таклифлар тайёрлайди.

#### **4. Бўлимнинг ҳуқуқ ва мажбуриятлари**

4.1. Бўлим қуйидаги ҳуқуқларга эга:

-янги ишга келаётган ходимларга статистика ахборотлари ва статистика маълумотларининг нотўғри фойдаланиши ва талқин қилиниши ҳолларини тушунтириш;

-Ўзбекистон Республикаси Меҳнат Қонунига амал қилмаган ходимларга нисбатан интизомий жазо чораларини қўллаш таклифларини киритади.

-Бошқарма тизимига янгидан ишга қабул қилинган ёки тайинланган ходимлар Одоб-ахлоқ қоидалари билан имзо қўйдирган ҳолда таништириш ҳамда Одоб-ахлоқ қоидаларига риоя этиш бошқарма, туман, шаҳар ходимларининг касбий фаолиятини ва хизматдаги, шунингдек ҳулк-атворини баҳолаш мезонларидан бири ва бунга амал қилиш шарт эканлигини тушунтириш буйича масъулдир.

4.2. Бўлим ўзига тегишли вазифаларини амалга оширишда статистика соҳасида амалдаги қонунчиликда белгиланган ягона сиёсатнинг самарали амалга оширилиши учун жавоб беради.

4.3. Бўлим ходимлари Ўзбекистон Республикаси “Давлат статистикаси тўғрисида”ги Қонуни талабларини бузганлик учун, ёхуд мазкур қонун бузилишларига кўмаклашганлик учун қонунга мувофиқ маъмурий ва жиноий жавобгарликка тортилади.

4.4. Бўлимга берилган топшириқларни ўз вақтида ва сифатли бажарилиши, меҳнат интизомининг ҳолати ҳамда ўзига бириктирилган бошқа вазифаларни бажарилиши устидан масъулдир.

#### **5. Бўлимнинг ташкилий ва функционал структураси**

5.1. Бўлим низоми ва лавозимлар йўриқномаси бошқарма бошлиғи томонидан тасдиқланади.

5.2. Бўлимни мазкур Низом асосида бўлим бошлиғи бошқаради.

5.3. Бўлим бошлиғи эгаллаб турган лавозимга бошқарма бошлиғи томонидан кўйилади ва бўшатилади.

5.4. Бўлимнинг иш режаси ва иш ҳисоботи бошқарма бошлиғи томонидан тасдиқланади.

5.5. Бўлим штатлари сони ва иш ҳақи миқдори вилоят статистика бошқармаси штат жадвали асосида белгиланади.

